

Broj: 05-02-4-753/24  
Mostar, 27.05.2024. godine

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA PARLAMENTA FEDERACIJE BOSNE I HERCEGOVINE  
n/r g-din mr.sci. Izmir Hadživdić, sekretar

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Prilijeno: 1707-00-01 20-05-2024			
Org. jed.	Broj	Priloga	Vrijednost
05/2	-02-	117, 118, 145	124

**PREDMET: Delegatsko pitanje, odgovor – dostavlja se**

**Veza: Vaš akt broj: 05/2-02-117;118;149/24 od 28.03.2024. godine**

Poštovani,

Vašim aktom bliže naznačenim dopisom veze, između ostalih obavijestili ste i ovo Ministarstvo da je na 7. sjednici Doma naroda Parlamenta Federacije Bosne i Hercegovine održanoj 25.03.2024. godine, delegatkinja Jelena Pekić postavila tri delegatska pitanja u pisanoj formi, te ste u vezi navedenog dostavili, radi korištenja, izvod iz neautorizovanog magnetofonskog snimka sjednice Doma naroda u kome su sadržana delegatska pitanja. U skladu sa navedenim, zatražili ste dostavu odgovora na delegatska pitanja.

Uvidom u dostavljeni izvod iz neautorizovanog magnetofonskog snimka sjednice Doma naroda, kao i dostavljene materijale (delegatska pitanja u pisanoj formi) ističemo pitanje koja je delegatkinja Jelena Pekić uputila Federalnom ministarstvu energije, rudarstva i industrije:

I. DELEGATSKO PITANJE 1:

- Kada procjenjujete da će biti usvojen Nacionalni plan za klimu i energiju (NECP), unutar kojeg su jasno definisane obaveze Federacije Bosne i Hercegovine, kolokvijalno rečeno, unutar kojeg je jasno definisan i entitetski plan za klimu i energiju?
- Ukoliko te procjene nisu moguće, ili ukoliko se procjenjuje da će se za usvajanje NECP trebati godina ili više, da li FMERI ima rezervni plan za započinjanje primjene Zakona o korištenju OIEiEK?
- Kada procjenjujete da će FMERI usvojiti sve podzakonske akte koji su predviđeni trima reformskim zakonima, usvojenim prošle godine, u i iz sektora energije, pogotovo dvije uredbe koje se odnose na sistem podsticaja električne energije iz OIE?

kao i delegatsko pitanje koja je delegatkinja Jelena Pekić uputila Federalnom ministarstvu energije, rudarstva i industrije, JP Elektroprivreda BiH d.d. – Sarajevo i JP Elektroprivreda HZHB d.d. Mostar:



## II. DELEGATSKO PITANJE 2:

- Do kojeg nivoa pripremljenosti ste došli kada su u pitanju obaveze iz članova 47. i 48. Zakona o električnoj energiji u FBiH, a koje se tiču odvajanja operatora distributivnog sistema (ODS)?
- Da li ste u tim pripremama vodili računa o smanjenim prihodima koje će imati ODS, nakon punog početka primjene paketa zakona, s obzirom na smanjenje krajnje potrošnje električne energije radi razvoja građanske energije?
- Da li ste razmatrali vjerovatno smanjenje prihoda odjelu snabdijevanja nakon punog početka primjene paketa zakona, s obzirom na smanjenje krajnje potrošnje električne energije vaših sadašnjih kupaca radi razvoja građanske energije?
- Da ste razmatrali uvođenje tarifnih paketa za vaše krajnje kupce, kakvi danas egzistiraju u Evropskoj uniji (EU) pa ponegdje i u regiji. odnosno, u sektoru telekomunikacija kod nas?
- Da li ste u tim pripremama predvidjeli intenzivniju saradnju sa jedinicama lokalne samouprave kao vjerovatnim nosiocima zajedničkih inicijativa sa građanima u realizaciji projekata građanske energije?
- Da li ste već pripremili nove ugovore koje će vaši odjeli snabdijevanja i distribucije sklapati sa budućim prosumerima u skladu sa obavezama koje proističu iz Zakona o korištenju OIEiEK?

U skladu sa postavljenim delegatskim pitanjima u nastavku slijedu odgovor na ista:

### I. DELEGATSKO PITANJE 1:

1. Kada procjenjujete da će biti usvojen Nacionalni plan za klimu i energiju (NECP), unutar kojeg su jasno definisane obaveze Federacije Bosne i Hercegovine, kolokvijalno rečeno, unutar kojeg je jasno definisan i entitetski plan za klimu i energiju?

**ODGOVOR:** Ministarstvo vanjske trgovine i ekonomskih odnosa Bosne i Hercegovine – MVTEO BiH, zajedno sa entitetskim resornim ministarstvima za energiju i klimu, i nizom drugih aktera u BiH, uz pomoć tehničkih asistencija koje su angažovale najeksponiranije eksperte na polju energije i klime, je odgovorno za donošenje Nacionalnog energetskeg i klimatskog plana Bosne i Hercegovine (NECP BiH). Po našim saznanjima, Prvi nacrt NECP-a je u junu 2023. godine dostavljen Sekretarijatu Energetske zajednice. Pored navedenog, MVTEO BiH je sredinom 2023. godine pripremio dokument Strateške procjene uticaja na okoliš za Integrisani energetske i klimatske plan BiH za period do 2030. godine (NECP BiH). U prvoj polovini 2023. godine, proveden je prvi krug javnih konsultacija NECP-a u tri grada u BiH. Izrađena je Sveobuhvatna procjena uticaja dokumenta, koja je prošla i kroz proces javnih konsultacija putem web platforme e-Konsultacije. Također, sam nacrt NECP-a prošao je proceduru javnih konsultacija (novembar 2023. godine) putem platforme e-Konsultacija, čime je omogućeno svim zainteresiranim, prvenstveno građanima i predstavnicima organizacija civilnog društva, da dobiju uvid u sam dokument te daju svoje komentare, ideje i prijedloge za njegovo poboljšanje. Sekretarijat Energetske zajednice objavio je na svojoj web stranici krajem decembra 2023. godine Preporuke o Integrisanom energetskeg i klimatske planu BiH za period do 2030. godine. MVTEO BiH je dostavilo komentare Sekretarijata svim nadležnim institucijama. U narednom periodu, a u skladu s rokovima, u okviru formiranih radnih grupa za izradu NECP-a bit će pripremljen finalni nacrt dokumenta, a na osnovu komentara Sekretarijata, kao i na osnovu komentara pristiglih putem procesa javnih konsultacija. Rok za

dostavljanje finalnog nacrtu NECP-a Sekretarijatu Energetske zajednice je juni 2024. godine. Usvajanje NECP-a je planirano tokom 2024. godine. BiH treba ustrajati na donošenju integrisanog Nacionalnog energetskog i klimatskog plana (NECP), a sve u skladu sa međunarodno preuzetim obavezama, kao jednog od najvažnijih i najkompleksnijih dokumenata kojim se treba urediti pravac razvoja ovog važnog sektora.

2. Ukoliko te procjene nisu moguće, ili ukoliko se procjenjuje da će se za usvajanje NECP trebati godina ili više, da li FMERI ima rezervni plan za započinjanje primjene Zakona o korištenju OIEiEK?

**ODGOVOR:** Svakako da primjena Zakona o korištenju OIEiEK nije uslovljena usvajanjem NECP-a. Federalno ministarstvo je još od 2019. godine učestvovalo u aktivnostima na izradi NECP-a kao i Entitetskog plana za energiju i klimu (ECP). Kako je već tada prepoznata prijetnja neblagovremenog usvajanja NECP-a, sve aktivnosti u pripremi Zakona o korištenju OIEiEK išle su u smjeru da je provodivost Zakona o korištenju OIEiEK nezavisna od trenutka usvajanja NECP-a, ali da po usvajanju istog, svi entitetski propisi pa i Uredba o kvotama za OIEiEK treba da doživi svoje eventualno ažuriranje sa NECP-om. Napominjemo, ovo Ministarstvo je u završnoj fazi pripreme dvije Uredbe, koje će dati osnov za podsticanje i razvoj proizvodnje energije iz OIEiEK.

3. Kada procjenjujete da će FMERI usvojiti sve podzakonske akte koji su predviđeni trima reformskim zakonima, usvojenim prošle godine, u i iz sektora energije, pogotovo dvije uredbe koje se odnose na sistem podsticaja električne energije iz OIE?

**ODGOVOR:** Ovo ministarstvo poduzima sve potrebne aktivnosti kako bi se u zakonski propisanim rokovima usvojili svi podzakonski akti koji su predviđeni trima reformskim zakonima. U vezi dvije uredbe koje, u skladu sa Zakonom o korištenju OIEiEK ovo Ministarstvo treba da pripremi i proslijedi Vladi Federacije Bosne i Hercegovine na razmatranje i usvajanje, obavještavamo Vas da su Uredbe prošle javne konsultacije i da se pribavljaju mišljenja nadležnih tijela, u skladu sa članom 27. Poslovnika o radu Vlade Federacije Bosne i Hercegovine, te da u skoro vrijeme očekujemo da iste budu razmatrane na sjednici Vlade Federacije BiH. Cijenimo da je potrebno napomenuti da su navedene aktivnosti međuresorna aktivnost, te da će se, uz značajnu pomoć tehničkih asistencija gdje ističemo USAID EPA i EU4 Energy projekte, već pokrenute aktivnosti blagovremeno završiti.

## II. DELEGATSKO PITANJE 2

U skladu sa drugim postavljenim delegatskim pitanjem, ovo Ministarstvo je zatražilo sveobuhvatnu informaciju od JP Elektroprivreda BiH d.d. – Sarajevo i JP Elektroprivreda HZHB d.d. Mostar. S tim u vezi, u prilogu akta dostavljamo odgovore po delegatskom pitanju, dostavljene dopisima JP Elektroprivreda BiH d.d. – Sarajevo broj: 01-04-16141-1/24 od 16.05.2024. godine i JP Elektroprivreda HZHB d.d. - Mostar broj: I-3262/24 od 30.04.2024. godine (u prilogu).

Nastavno na informacije dostavljene prethodno pomenutim dopisima, cijenimo da je potrebno napomenuti da je ovo Ministarstvo u završnoj fazi pripreme Pravilnika o zajednicama obnovljive energije, gdje je radna grupa pripremila Nacrt Pravilnika koji treba da prođe proceduru javnih konsultacija. Nadalje, u vezi "građanske energije" ovo Ministarstvo aktivno učestvuje u projektu GIZ-a: Akcija zajednice za energetske tranziciju u Bosni i Hercegovini (CAET), gdje je primarni cilj druge komponente ovog projekta informisati i obučiti lokalne zajednice kako i na koji način

moгу da razvijaju projekte zelene energije – zajednice obnovljive energije, kako bi uzeli svoju ulogu pokretačke snage u provedbi lokalne energetske tranzicije.

S obzirom na kompleksnost energetskog sistema u Bosni i Hercegovini, kao i sve većih obaveza koji se stavljaju pred Bosnu i Hercegovinu, u skladu sa Ugovorom o uspostavi Energetske zajednice kao i potpisanim deklaracijama, ovo Ministarstvo će u koordinaciji sa svim institucijama u energetskom sektoru, i u narednom periodu poduzimati sve potrebne aktivnosti kako bi se prvenstveno osiguralo stabilno snabdijevanje energijom i energentima u Federaciji Bosne i Hercegovine, te preuzele i ispunile sve obaveze iz EU acquis-a, uz poseban osvrt na provedbu dekarbonizacije elektroenergetskog sektora do 2050. godine, tj. provedbu pravedne tranzicije u regijama bogatim ugljem.

S poštovanjem,



**Dostaviti:**

- Naslovu
- 05
- a/a

Faint, illegible text at the top of the page, possibly bleed-through from the reverse side.



Faint, illegible text on the right side of the page, possibly bleed-through or a stamp.



Bosna i Hercegovina  
Federacija Bosne i Hercegovine  
Federalno ministarstvo energije, rudarstva i industrije  
n/r Ministar g. Vedran Lakić

Bosna i Hercegovina  
Federacija Bosne i Hercegovine  
MINISTARSTVO ENERGIJE,  
RUDARSTVA I INDUSTRIJE, MOSTAR

Sarajevo, 16.05.2024  
Broj: 01-04-DE142-1/24

PRIMLJENO: 22-05-2024			
Organizaciona jedinica	Klasifikacijska oznaka	Redni broj	Broj priloga
05-02-4-753/24			

512

**Predmet: Odgovor na Delegatska pitanja; veza – dopis, broj: 05-02-4-753/24 od 18.04.2024. godine**

Poštovani,

Dana 24.04.2024. godine, zaprimili smo Vaš dopis, broj: 05-02-4-753/24 od 18.04.2024. godine, te ovim putem, u skladu sa zahtjevima istog, dostavljamo odgovor na delegatska pitanja u okviru nadležnosti JP Elektroprivreda BiH d.d. – Sarajevo.

Odgovori JP Elektroprivreda BiH d.d. – Sarajevo na pitanja delegatkinje Jelene Pekić, dostavljena aktom Sekretara Doma naroda Parlamenta Federacije Bosne i Hercegovine, broj: 05/2-02-118/24 od 28.03.2024. godine, dostavljaju se kako slijedi:

- 1. Do kojeg nivoa pripremljenosti ste došli kada su u pitanju obaveze iz članova 47. i 48. Zakona o električnoj energiji u FBiH, a koje se tiču odvajanja operatora distributivnog sistema (ODS)?**  
Aktivnosti na odvajanju ODS-a su pokrenute i odvijaju se planiranom dinamikom, a okončanje ovih aktivnosti je planirano u Augustu 2025. godine.
- 2. Da li ste u tim pripremama vodili računa o smanjenim prihodima koje će imati ODS, nakon punog početka primjene paketa zakona, s obzirom na smanjenje krajnje potrošnje električne energije radi razvoja građanske energije?**  
Prihodi ODS-a će biti regulirani Metodologijom za utvrđivanje tarifa za korištenje distributivne mreže koju treba donijeti FERK u roku od godinu dana od dana stupanja na snagu Zakona o Električnoj energiji. Ovom Metodologijom će se biti propisan način osiguranja potrebnih prihoda ODS-a.
- 3. Da li ste razmatrali vjerovatno smanjenje prihoda odjelu snabdijevanja nakon punog početka primjene paketa zakona, s obzirom na smanjenje krajnje potrošnje električne energije vaših sadašnjih kupaca radi razvoja građanske energije?**  
JP Elektroprivreda BiH d.d. – Sarajevo, kao imalac Dozvole za obavljanje djelatnosti snabdijevanja i trgovine električnom energijom, broj: UP1-06-13-1-156-1/23 od 12.12.2023. godine, je ovlaštena obavljati snabdijevanje krajnjih kupaca i trgovinu električnom energijom na veleprodajnom tržištu.  
U skladu sa članom 4. Zakona o električnoj energiji Federacije BiH ("Službene novine Federacije BiH", broj: 60/23), obezbjeđenje i isporuka dovoljnih količina električne energije potrebne za



44 100 2243072  
44 126 2243072  
44 764 2243072

Vilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo  
Porezni broj: 4200225150005, PDV broj: 200225150005  
1549212003366506 - Intesa Sanpaolo Banka d.d. BiH  
1410010009748956 - Bosnia Bank International d.d. Sarajevo  
102050000090111 - Union Banka d.d. Sarajevo  
1346101000178654 - ASA Banka d.d. Sarajevo  
1990490176075902 - Sparkasse Bank d.d. BiH  
[www.epbih.ba](http://www.epbih.ba)

Podružnice Društva:

Hidroelektrane na Neretvi, Jablanica, J. Černija 1  
Termoelektrana -Kakanj-, Kakanj, Čatići  
Termoelektrana -Tuzla-, Tuzla, 21. aprila 4  
-Elektrodistribucija-, Bihać, Bosanska 25  
-Elektrodistribucija-, Mostar, Adema Buća 34  
-Elektrodistribucija-, Sarajevo, Zmaja od Bosne 49  
-Elektrodistribucija-, Tuzla, Rudarska 38  
-Elektrodistribucija-, Travnik, Šumeće 182a  
-Elektrodistribucija-, Zenica, Safvet bega Bašagića 6

život i rad građana, te poslovanje i razvoj privrednih i društvenih subjekata, na siguran, pouzdan i kvalitetan način su od opšteg interesa za Federaciju BiH.

Dakle, JP Elektroprivreda BiH d.d. – Sarajevo će prvenstveno obezbijediti dovoljnu količinu električne energije za kupce na području Federacije BiH, dok ostatak električne energije može prodati na tržištu električne energije.

**4. Da li ste razmatrali uvođenje tarifnih paketa za vaše krajnje kupce, kakvi danas egzistiraju u Evropskoj uniji (EU) pa ponegdje i u regiji, odnosno, u sektoru telekomunikacija kod nas?**

JP Elektroprivreda BiH d.d. – Sarajevo prati postojeće i nadolazeće zakonske legislative iz oblasti tržišta električne energije te provodi aktivnosti u svrhu prilagođavanja istim/sagledavanja mogućnosti iskorištenja novih potencijala na tržištu električne energije i usluga.

**5. Da li ste u tim pripremama predvidjeli intenzivniju saradnju sa jedinicama lokalne samouprave, kao vjerovatnim nosiocima zajedničkih inicijativa sa građanima u realizaciji projekata građanske energije?**

Predviđena je saradnja sa jedinicama lokalne samouprave, kao budućim energetske zajednicama građana, a neophodni preduslov za uređenje odnosa između ODS-a i energetske zajednice građana je posjedovanje dozvole za obavljanje djelatnosti energetske zajednice građana koju izdaje Regulatorna komisija.

**6. Da li ste već pripremili nove ugovore koje će vaši odjeli snabdijevanja i distribucije sklapati sa budućim prosumerima u skladu sa obavezama koje proističu iz Zakona o korištenju OIEiEK?**

JP Elektroprivreda BiH d.d. – Sarajevo nije zaprimila zahtjeve za zaključivanje ugovora sa prosumerima. JP Elektroprivreda BiH d.d. – Sarajevo prati aktivnosti po ovom pitanju te je spremna da pravovremeno reaguje kada se javi potreba za istim.

S poštovanjem,

2 v.d. Generalni direktor  
Dr. sc. Sanel Buljubašić

Co:

- 04
- 04-1
- 03
- a/a



44 100 2243072  
44 126 2243072  
44 764 2243072

Vilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo  
Porezni broj: 4200225150005, PDV broj: 200225150005  
1549212003366506 - Intesa Sanpaolo Banka d.d. BiH  
1410010009748956 - Bosnia Bank International d.d. Sarajevo  
102050000090111 - Union Banka d.d. Sarajevo  
1346101000178654 - ASA Banka d.d. Sarajevo  
1990490176075902 - Sparkasse Bank d.d. BiH  
[www.epbih.ba](http://www.epbih.ba)

Podružnice Društva:

Hidroelektrane na Neretvi, Jablanica, J. Černija 1  
Termoelektrana «Kakanj», Kakanj, Čatići  
Termoelektrana «Tuzla», Tuzla, 21. aprila 4  
«Elektrodistribucija», Bihać, Bosanska 25  
«Elektrodistribucija», Mostar, Adema Buća 34  
«Elektrodistribucija», Sarajevo, Zmaja od Bosne 49  
«Elektrodistribucija», Tuzla, Rudarska 38  
«Elektrodistribucija», Travnik, Šumeće 182a  
«Elektrodistribucija», Zenica, Safvet bega Bašagića 6



PRIMLJENO: 06-05-2024			
Organizacijska jedinica	Klasifikacijska oznaka	Redni broj	Broj prijava
05-	02-4-	753/24	

Bosna i Hercegovina  
Federacija Bosne i Hercegovine

**FEDERALNO MINISTARSTVO  
ENERGIJE, RUDARSTVA I INDUSTRIJE**  
Mostar

n/r ministra  
gosp. Vedrana Lakića

**Organizacijska jedinica:**  
**DIREKCIJA DRUŠTVA**

432

Telefon: 00387 36 335 700  
Faks: 00387 36 335 777  
Vaš znak: 05-02-4-753/24  
Naš znak: I-3262/24  
Nadnevak: 30. travnja 2024. godine

**PREDMET:** Odgovor na delegatsko pitanje

Poštovani,

Uvažavajući Vaš dopis br. 05-02-4-753/24 od 18.4.2024. godine kojim tražite odgovor na delegatska pitanja koje je postavila gđa Jelena Pekić, delegatkinja u Domu naroda Parlamenta Federacije BiH u nastavku dostavljamo odgovore na ona pitanja za koja se možemo smatrati nadležnima:

**1. Do kojeg nivoa pripremljenosti ste došli kada su u pitanju obaveze iz članova 47. i 48. Zakona o električnoj energiji u FBiH, a koje se tiču odvajanja operatora distributivnog sistema (ODS)?**

JP „Elektroprivreda HZ HB“ d.d. Mostar aktivno se priprema za potpuno izvršavanje obveza sadržanih u člancima 47. i 48. Zakona o električnoj energiji u FBiH („Službene novine Federacije BiH“, broj: 60/23). Trenutno smo u fazi detaljne analize postojećeg stanja u operatoru distribucijskog sustava i usklađenosti s obvezama koje proizlaze iz predmetnog Zakona kako bi se procesi u operatoru distribucijskog sustava i Društvu u cjelini mogli odvijati na optimalnoj operativnoj razini, a sve u svrhu što učinkovitijeg zadovoljenja potreba korisnika distribucijskog sustava usklađenih s ciljevima energetske tranzicije.

**2. Da li ste u tim pripremama vodili računa o smanjenim prihodima koje će imati ODS nakon punog počeka primjene paketa zakona s obzirom na smanjenje krajnje potrošnje električne energije radi razvoja građanske energije?**

Kroz naše smo analize adresirali i promjene koje nas očekuju u smislu većeg angažmana građana i posljedičnog eventualnog smanjenja potrošnje električne energije te učinaka istih na poslovne prihode operatora distribucijskog sustava. Podsjećamo kako je djelatnost distribucije regulirana djelatnost, te da se potreban prihod ove djelatnosti (kojim se pokrivaju troškovi rada ODS-a) odobrava kroz tarifni postupak od strane Regulatorne komisije za energiju u Federaciji BiH (FERK). Troškovi operatora distribucijskog sustava u velikoj mjeri nisu vezani za potrošnju električne energije, nego isti proizlaze iz prirode posla operatora distribucijskog sustava. Tarife za korištenje distribucijske mreže, sukladno članku 57. Zakona o električnoj energiji, utvrđuju se za razdoblje od četiri godine, a u slučaju izmjene parametara na kojima je zasnovan izračun (uključujući i potrošnju električne energije) iznosi tarifa mogu se izmijeniti tijekom trajanja regulatornog razdoblja na temelju obrazloženog zahtjeva ODS-a ili na inicijativu FERK-a.

Stoga, uvažavajući gore navedeno, smatramo kako prihod regulirane djelatnosti distribucije ne bi trebao biti ugrožen intenzivnijim sudjelovanjem građana u sektoru električne energije.

**3. Da li ste razmatrali vjerovatno smanjenje prihoda odjelu snabdjevanja nakon punog početka primjene paketa zakona, s obzirom na smanjenje krajnje potrošnje električne energije vaših sadašnjih kupaca radi razvoja građanske energije?**

Uzimajući u obzir da su cijene električne energije na veleprodajnom tržištu znatno više od prosječnih cijena opskrbe električnom energijom svih elektroprivrednih poduzeća u Bosni i Hercegovini (pa tako i JP „Elektroprivreda HZ HB“ d.d. Mostar) eventualno smanjenje potrošnje krajnjih kupaca omogućilo bi stvaranje viškova električne energije koje bismo po višim, tržišnim cijenama mogli prodati izravno na veleprodajnom tržištu, te samim tim ne bi trebalo doći do smanjenja prihoda opskrbe.

**4. Da li ste razmatrali uvođenje tarifnih paketa za vaše krajnje kupce, kakvi danas egzistiraju u Evropskoj uniji (EU) pa ponegdje i u regiji, odnosno, u sektoru telekomunikacija kod nas?**

JP „Elektroprivreda HZ HB“ d.d. Mostar u sklopu djelatnosti opskrbe (javne i tržišne) već sada definira više tzv. tarifnih modela, a stručne službe u Organizacijskoj jedinici opskrba električnom energijom, prilikom ugovaranja, savjetuju krajnje kupce o modelu koji je optimalan za njih, uvažavajući njihove specifične dijagrame potrošnje i druge parametre bitne za izračun.

**5. Da li ste u tim pripremama predvidjeli intenzivniju saradnju sa jedinicama lokalne samouprave, kao vjerovatnim nosiocima zajedničkih inicijativa sa građanima u realizaciji projekata građanske energije?**

Svakako smo predvidjeli intenzivniju suradnju s jedinicama lokalne samouprave, u skladu s relevantnim zakonskim i podzakonskim aktima, upravo zbog mogućnosti koje novi zakonski okvir iz oblasti električne energije pruža jedinicama lokalne samouprave, a sve u cilju boljitka naših krajnjih kupaca kroz učinkovitije korištenje proračunskih sredstava.

**6. Da li ste već pripremili nove ugovore koje će vaši odjeli snabdijevanja i distribucije sklapati sa budućim prosumerima u skladu sa obavezama koje proističu iz Zakona o korištenju OIEiUK**

U fazi smo pripreme standardnih ugovora s prosumerima opskrbljivača i operatora distribucijskog sustava.

Napominjemo kako je, prije izrade standardnih ugovora, Regulatorna komisija za energiju u Federaciji BiH trebala usvojiti Pravilnik o proizvodnji električne energije za vlastite potrebe (proizvodnja prosumera) koji je usvojen nedavno i objavljen u Službenim novinama Federacije BiH 24. travnja 2024. godine. Naime, ovim se Pravilnikom propisuju osnovni parametri i zahtjevi koje krajnji kupci moraju zadovoljiti kako bi stekli status prosumera, kao i ključne postavke shema neto opskrbe i neto mjerenja na kojima se zasniva obračun proizvedene i utrošene električne energije za prosumere, te sigurnosni i tehnički zahtjevi za elektrane, bez kojih nije bilo moguće ranije sačiniti predmetne ugovore.

Također, operator distribucijskog sustava treba donijeti pojednostavljene procedure za priključenje elektrana za vlastite potrebe krajnjih kupaca, koje proizvode električnu energiju iz obnovljivih izvora snage do uključivo 23 kW u roku od dvije godine od stupanja na snagu Zakona o električnoj energiji u Federaciji BiH te smo trenutno usmjereni na adekvatno i

operativno definiranje ovih pojednostavljenih uvjeta za priključenje prosumera. Tek nakon usvajanja ovog dokumenta kao i pravila o radu distribucijskog sustava, sustav prosumera će moći i operativno zaživjeti. JP „Elektroprivreda HZ HB“ d.d. Mostar svakako će nastaviti biti pouzdan partner našim krajnjim kupcima i nastojat ćemo u što je moguće kraćem roku, uvažavajući zakonske odredbe i tehničke mogućnosti, našim kupcima omogućiti stjecanje statusa prosumera.

Za sve dodatne informacije smo na raspolaganju.

S poštovanjem,

Dostaviti:

- Naslovu
- a.a.

